



**FAKULTET
POLITIČKIH
NAUKA**



**MEMORANDUM O NAUČNOJ, OBRAZOVNOJ I STRUČNOJ SARADNJI IZMEĐU
UNIVERZITETA U SARAJEVU- FAKULTETA POLITIČKIH NAUKA I FEDERALNE
UPRAVE ZA INSPEKCIJSKE POSLOVE**

Uvažavajući značaj naučnog, obrazovnog i stručnog doprinosa za razvoj društvenih nauka te prepoznajući obostranu želju za uspostavljanje dugoročne saradnje, Univerzitet u Sarajevu- Fakultet političkih nauka i Federalna uprava za inspeksijske poslove – FUZIP (u daljem tekstu: „sporazumne strane“) dogovorili su se o sljedećem:

Član 1.

(Svrha i oblast saradnje)

Ovim Sporazumom uspostavlja se okvir za partnersku saradnju sporazumnih strana u obrazovnoj, stručnoj i naučno-istraživačkoj oblasti, s ciljem unapređenja kvaliteta obrazovanja, istraživanja, razmjene znanja i promocije praktičnih kompetencija. Saradnja obuhvata i podsticanje studentskog razvoja kroz stručnu praksu, usavršavanje i učešće u projektima od zajedničkog interesa.

Član 2.

(Način ostvarivanja saradnje)

Sporazumne strane će ostvarivati saradnju kroz različite oblike, uključujući, ali ne ograničavajući se na:

1. Zajedničko organiziranje naučno-istraživačkih aktivnosti, konferencija, seminara, simpozija, radionica te udruživanje napora u pronalaženju donatorskih ili drugih izvora finansiranja.
2. Razmjenu i izradu stručnih i naučnih informacija, časopisa, publikacija, udžbenika i ostale relevantne literature za obostrani benefit.
3. Izradu zajedničkih istraživačkih i projektnih prijedloga te njihovu implementaciju.

4. Organiziranje stručne prakse za studente Univerziteta u Sarajevu-Fakulteta političkih nauka u okviru Federalne uprave za inspekcijske poslove, uz definiranje ciljeva, trajanja i sadržaja prakse.
5. Aktivno učešće predstavnika sporazumnih strana na konferencijama, seminarima i drugim stručnim skupovima u organizaciji obje strane.
6. Angažman akademskog i stručnog kadra kao predavača, mentora i panelista u obrazovnim i stručnim procesima obje institucije.
7. Razmjenu akademskog i stručnog kadra radi unapređenja edukativnih programa i stručne prakse.
8. Izradu programa obuka, kurseva i radionica za stručno usavršavanje kadra u oblastima relevantnim za zajedničke ciljeve.
9. Proučavanje i pronalaženje rješenja za specifične izazove u oblastima od zajedničkog interesa.
10. Promociju istraživačkih rezultata i stručnih dostignuća kroz zajedničke publikacije i javne prezentacije.
11. Sve druge aktivnosti koje doprinose ostvarivanju zajedničkih interesa sporazumnih strana.

Član 3.

(Stručna praksa studenata)

1. Federalna uprava za inspekcijske poslove će omogućiti stručnu praksu studentima Univerziteta u Sarajevu - Fakulteta političkih nauka, koja će obuhvatati:
 - Upoznavanje sa radom Federalne uprave za inspekcijske poslove ,
 - Aktivno učešće u svakodnevnim zadacima relevantnim za obrazovni profil studenata,
 - Mentorstvo od strane stručnog osoblja Federalne uprave za inspekcijske poslove.
2. Univerzitet u Sarajevu - Fakultet političkih nauka će osigurati da studenti budu adekvatno pripremljeni za stručnu praksu te će pratiti njihovo napredovanje.
3. Obostrano će se raditi na razvoju programa prakse kako bi se zadovoljile potrebe studenata i institucija.

Član 4.

(Upotreba dokumentacije i stručnih radova)

Strane će, uz potpuno uvažavanje autorskih prava i zaštite ličnih podataka, voditi računa koje analize ili druge stručne radove i do koje mjere mogu učiniti dostupnima javnosti i drugim nadležnim organima.

Za svako korištenje dokumentacije ili analiza u javne svrhe, biće proveden postupak i ustupljeni službeni podaci u skladu sa Zakonom o slobodi pristupa informacijama FBiH i Zakonom o zaštiti ličnih podataka BiH. Strane će u svakom slučaju voditi računa da imaju prethodno odobrenje i zajedničku saglasnost za objavu.

Član 5.

(Koordinacija aktivnosti)

1. Svaka od strana imenovaće koordinatora koji će biti zadužen za realizaciju i praćenje aktivnosti iz ovog Sporazuma.
2. Koordinatori će održavati redovnu komunikaciju kako bi osigurali efikasnu implementaciju planiranih aktivnosti.

Član 6.

(Izmjene i dopune Sporazuma)

Izmjene i dopune Sporazuma vrše se na isti način kao i njegovo zaključivanje. Prijedlozi za izmjene i dopune mogu biti podneseni zajednički ili pojedinačno od strane sporazumnih strana.

Član 7.

(Važenje i prestanak Sporazuma)

1. Sporazum prestaje važiti otkazom jedne od sporazumnih strana u pisanom obliku.
2. Strana koja traži raskid Sporazuma dužna je obavijestiti drugu stranu najmanje 30 dana prije datuma raskida.
3. U slučaju raskida Sporazuma, strane se obavezuju podmiriti sve međusobne obaveze i obaveze prema trećim stranama.

Član 8.
(Primjeri Sporazuma)

Ovaj Sporazum je sastavljen u četiri (4) istovjetna primjerka, od kojih svaka strana zadržava po dva (2) primjerka.

Član 9.
(Stupanje na snagu)

Ovaj Sporazum zaključuje se na neodređeno vrijeme i stupa na snagu danom potpisivanja od strane ovlaštenih predstavnika sporazumnih strana.

**Univerzitet u Sarajevu –
Fakultet političkih nauka**

**Federalna uprava za
inspeksijske poslove**


DEKAN

[Redacted signature]

Prof. dr. Sead Tufćalo

Broj: 01-3-741-1/25

Datum: 20.3.2025. godine



DIREKTORICA

[Redacted signature]

Ivana Prvulović

Broj: 01-04-11-01945/2025

Datum: 20.3.2025.godine

